

FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2024/885

2024/EES/85/15

frá 20. mars 2024

um breytingu á framkvæmdarreglugerð (ESB) 2023/2782 um aðferðir við sýnatöku og greiningu vegna eftirlits með innihaldi sveppaeiturs í matvælum að því er varðar aðferð við sýnatöku úr þurrkuðum kryddjurtum, jurtatei (þurrkuð vara), tei (þurrkuð vara) og kryddi í duftformi (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2017/625 frá 15. mars 2017 um opinbert eftirlit og aðra opinbera starfsemi sem miðar að því að tryggja að lögum um matvæli og fôður og reglum um heilbrigði og velferð dýra, plöntuheilbrigði og plöntuverndarvörur sé beitt og um breytingu á reglugerðum Evrópuþingsins og ráðsins (EB) nr. 999/2001, (EB) nr. 396/2005, (EB) nr. 1069/2009, (EB) nr. 1107/2009, (ESB) nr. 1151/2012, (ESB) nr. 652/2014, (ESB) 2016/429 og (ESB) 2016/2031, reglugerðum ráðsins (EB) nr. 1/2005 og (EB) nr. 1099/2009 og tilskipunum ráðsins 98/58/EB, 1999/74/EB, 2007/43/EB, 2008/119/EB og 2008/120/EB og um niðurfellingu á reglugerðum Evrópuþingsins og ráðsins (EB) nr. 854/2004 og (EB) nr. 882/2004, tilskipunum ráðsins 89/608/EBE, 89/662/EBE, 90/425/EBE, 91/496/EBE, 96/23/EB, 96/93/EB og 97/78/EB og ákvörðun ráðsins 92/438/EBE (reglugerð um opinbert eftirlit) (!), einkum 6. mgr. 34. gr.,

og að teknu tilliti til eftifarandi:

- 1) Í reglugerð framkvæmdastjórnarinnar (ESB) 2023/2782 (²) eru fastsettar aðferðir við sýnatöku og greiningu sem skal nota vegna eftirlits með innihaldi sveppaeiturs í matvælum.
- 2) Niðurstöður úr nýlegum rannsóknum sem vinnuhópur, sem Stofnun Sambandslýðveldisins Þýskalands fyrir áhættumat (Bundesinstitut fyrir Risikobewertung, BfR) samræmdi, innti af hendi færa sönnur á að sýnatökuaðferðin vegna eftirlits með plöntueitri (sem gildir einnig um eftirlit með sveppaeitri) í þurrkuðum kryddjurtum, jurtatei (þurrkuð vara), tei (þurrkuð vara) og kryddi í duftformi, eins og mælt er fyrir um í framkvæmdarreglugerð (ESB) 2023/2782, tryggir ekki að sýni fáist sem er dæmigert fyrir framleiðslueininguna sem sýnið er tekið úr.
- 3) Því er nauðsynlegt að breyta sýnatökuaðferðinni með því að auka tilskilda byngd hluta- og safnsýna og skyra reglurnar sem gilda um sýnatöku úr fæðubótarefnum sem innihalda þurrkaðar kryddjurtir í lausri vigt áður en þeim er pakkað í smásölupakkningar/einstakar pakkningar fyrir lokaneytendur til að tryggja að sýnið sem fæst sé dæmigert fyrir framleiðslueininguna sem sýnið er tekið úr.
- 4) Því ætti að breyta framkvæmdarreglugerð (ESB) 2023/2782 til samræmis við það.
- 5) Þar eð framkvæmdarreglugerð (ESB) 2023/2782 gildir frá 1. apríl 2024 ætti þessi reglugerð að öðlast gildi á þriðja degi eftir birtingu hennar til að komast hjá því að lögbær landsyfirvöld þurfi að beita núverandi reglum í þeiri reglugerð í stuttan tíma.
- 6) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fôður.

(*) Þessi ESB-gerð birtist í Stjórn. ESB L, 2024/885, 21.3.2024. Hennar var getið í ákvörðun sameiginlegu EES-nefndarinnar nr. 232/2024 frá 25. október 2024 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(¹) Stjórn. ESB L 95, 7.4.2017, bls. 1, ELI: <http://data.europa.eu/eli/reg/2017/625/oj>

(²) Framkvæmdareglugerð framkvæmdastjórnarinnar (ESB) 2023/2782 frá 14. desember 2023 um aðferðir við sýnatöku og greiningu vegna eftirlits með innihaldi sveppaeiturs í matvælum og um niðurfellingu á reglugerð (EB) nr. 401/2006 (Stjórn. ESB L, 2023/2782, 15.12.2023,

SAMÞYKKT REGLUGERD ÞESSA:

1. gr.

Ákvæðum I. viðauka við framkvæmdarreglugerð (ESB) 2023/2782 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 20. mars 2024.

Fyrir hönd framkvæmdastjórnarinnar,

Ursula VON DER LEYEN

forseti.

VIDAUKI

Í stað M-hluta í II. hluta I. viðauka við reglugerð (ESB) 2023/2782 kemur eftirfarandi:

„M. ADFERD VID SÝNATÖKU ÚR PURRKUDUM KRYDDJURTUM, JURTATEI (PURRKUD VARA), TEI (PURRKUD VARA) OG KRYDDI Í DUFTFORMI

M.1. **Þyngd hlutasýnis**

Þyngd hlutasýnis skal vera um 80 g nema sé kveðið á um annað í þessum M-hluta.

Ef um er að ræða framleiðslueiningar í smásölupakkningum/einstökum pakkningum ræðst þyngd hlutasýnisins af þyngd smásölupakkningarinnar/einstöku pakkningarinnar.

Ef um er að ræða smásölupakkningu/einstaka pakkningu > 80 g munu safnsýni vega meira en tilskilin þyngd sem er tilgreind í töflum 1 og 2. Ef þyngd einnar smásölupakkningar/einstakrar pakkningar er >> 80 g skal taka 80 g úr sérhverri smásölupakkningu/einstakri pakkningu sem hlutasýni. Þetta er hægt að gera annaðhvort þegar sýnið er tekið eða á rannsóknarstofunni. Ef slík sýnatokaðferð hefði óviðunandi viðskiptalegar afleiðingar vegna skemmda á framleiðslueiningunni (vegna tegundar umbúða, flutningatækis o.s.frv.) má þó beita staðgönguaðferð við sýnatoku. Þetta á m.a. við þegar verðmæt vara er sett á markað í smásölupakkningum/einstökum pakkningum sem eru 500 g eða eitt kg, en þá má safnsýnið vera samansafn færri hlutasýna en tiltekið er í töflum 1 og 2, með því skilyrði að þyngd safnsýnisins samsvari tilskilinni þyngd safnsýnis sem um getur í töflum 1 og 2.

Ef smásölupakkningar/einstakar pakkningar eru undir 80 g og ef munurinn er líttill (þ.e. ef pakkningin vegur a.m.k. helminginn af 80 g) skal ein smásölupakkning/einstök pakkning teljast vera eitt hlutasýni, sem gefur safnsýni sem er undir tilskilinni þyngd sem er tilgreind í töflum 1 og 2. Ef þyngd smásölupakkninga/einstakra pakkninga er langt undir 80 g er eitt hlutasýni úr tveimur eða fleiri smásölupakkningum/einstökum pakkningum þannig að þyngd eins hlutasýnis verði eins nálægt 80 g og mögulegt er.

M.2. **Skipting framleiðslueininga í framleiðsluhluta fyrir sýnatoku úr purrkudum kryddjurtum, jurtatei (purrukð vara), tei (purrukð vara) og kryddi í duftformi**

Tafla 1

Skipting framleiðslueininga í framleiðsluhluta eftir þyngd framleiðslueininga

Vara	Þyngd framleiðslu-einingar (tonn)	Þyngd framleiðsluhluta	Fjöldi hlutasýna	Þyngd safnsýnis (kg)
purrrkaðar kryddjurtir, jurtatei (purrukð vara), tei (purrukð vara), krydd í duftformi	≥ 15	25 tonn	50	4
	< 15	—	3–50 (*)	0,2–4,0

(*) Ræðst af þyngd framleiðslueiningarinnar – sjá töflu 2

M.3. **Aðferð við sýnatoku úr purrkudum kryddjurtum, jurtatei (purrukð vara), tei (purrukð vara) og kryddi í duftformi (framleiðslueiningar ≥ 15 tonn)**

Svo fremi að hægt sé að skilja framleiðsluhlutana í sundur skal hverri framleiðslueiningu skipt í framleiðsluhluta samkvæmt töflu 1. Þyngd framleiðslueiningarinnar er ekki alltaf heilt margfeldi af þyngd framleiðsluhlutanna og með hliðsjón af því má þyngd framleiðsluhlutanna mest vera 20% yfir tilgreindri þyngd.

Taka skal sýni úr hverjum framleiðsluhluta fyrir sig.

Fjöldi hlutasýna skal vera 50. Þyngd safnsýnis skal vera 4,0 kg.

Ef ekki er unnt að beita sýnatökuaðferðinni sem lýst er hér að framan vegna óviðunandi viðskiptalegra afleiðinga sem skemmdir á framleiðslueiningunni hefðu (vegna tegundar umbúða, flutningatækis, o.s.frv.) er heimilt að beita staðgönguaðferð við sýnatoku að því tilskildu að hún sé eins dæmigerð og kostur er og að henni hafi verið lýst að fullu og hún skjalfest.

M.4. Aðferð við sýnatoku úr þurrkuðum kryddjurtum, jurtatei (þurrkuð vara) og tei (þurrkuð vara) og kryddi í duftformi (framleiðslueiningar < 15 tonn)

Að því er varðar framleiðslueiningar af þurrkuðu kryddi, jurtatei (þurrkuð vara) og tei (þurrkuð vara) og kryddi í duftformi sem eru undir 15 tonnum skal sýnatokuáætlun samanstanda af 3 til 50 hlutasýnum, sem ræðst af þyngd framleiðslueiningarinnar, þannig að safnsýnið verði 0,2 til 4,0 kg.

Nota má tölurnar í eftirfarandi töflu 2 til að ákvarða fjölda hlutasýna sem taka skal.

Tafla 2

Lágmarksfjöldi hlutasýna sem taka skal, sem ræðst af þyngd framleiðslueiningarinnar, úr þurrkuðum kryddjurtum, jurtatei (þurrkuð vara), tei (þurrkuð vara) og kryddi í duftformi

Þyngd framleiðslueiningar (tonn)	Lágmarksfjöldi hlutasýna	Lágmarksþyngd safnsýnis (kg)
≤ 0,1	3	0,2
> 0,1 – ≤ 0,5	10	0,8
> 0,5 – ≤ 5,0	25	2,0
> 5,0 – ≤ 10,0	35	2,8
> 10,0 – ≤ 15,0	50	4,0

M.5. Sýnataka á smásölustigi

Sýnataka úr matvælum á smásölustigi skal fara fram, verði því við komið, í samræmi við ákvæðin um sýnatoku sem eru sett fram í þessum M-hluta.

Ef því verður ekki við komið er heimilt að beita staðgönguaðferð við sýnatoku á smásölustigi, að því tilskildu að hún tryggi að safnsýnið sé nægilega dæmigert fyrir framleiðslueininguna sem sýnið er tekið úr og að henni hafi verið lýst að fullu og hún skjalfest. Í öllum tilvikum skal safnsýnið vega a.m.k. 0,2 kg.

M.6. Sýnataka úr fæðubótarefnum, sem innihalda þurrkaðar kryddjurtir í lausri vigt, áður en þeim er pakkað í smásölupakkningar/einstakar pakkningar fyrir lokaneytendur

Að því er varðar sýnatoku úr fæðubótarefnum sem innihalda þurrkaðar kryddjurtir í lausri vigt, áður en þeim er pakkað í smásölupakkningar/einstakar pakkningar, gilda ákvæðin um sýnatoku sem kveðið er á um í þessum M-hluta og þeim skal beitt á grundvelli þyngdar þurrkaða kryddjurtainnihaldsins í fæðubótarefnum í lausri vigt.

M.7. Samþykki fyrir framleiðslueiningu eða framleiðsluhluta

Samþykki: ef rannsóknarsýnið er í samræmi við hámarksgildið, að teknu tilliti til leiðréttингar fyrir endurheimt og mælióvissu.

Synjun: ef rannsóknarsýnið fer án vafa yfir hámarksgildið, að teknu tilliti til leiðréttингar fyrir endurheimt og mælióvissu. Þetta á við þegar greiningarniðurstaðan (leiðrétt fyrir endurheimt, ef við á), að frádreginni útvíkkaðri mælióvissu á grundvelli greiningarinnar, er yfir hámarksgildinu.“